

पालि-ग्रन्थमाला

[१०]

सिरि धम्मराजा क्यच्चा विरचितो

सद्दबिन्दु

अभिनवटीकासहिता

सम्पादको

डॉ० सुरेन्द्र कुमार



सम्पूर्णानन्द संस्कृत विश्वविद्यालय

वाराणसी

PĀLI-GRANTHAMĀLĀ

[Vol. 10]

SADDABINDU
OF
SIRI DHAMMARĀJĀ KYACVĀ

With the Commentary

'ABHINAVA'

By

SADDHAMMAKĪRTI MAHĀPHUSSADEVA

EDITED BY

DR. SURENDRA KUMĀRA

Reader & Head

Pali-Department

Central Institute of Higher Tibetan Studies
(Deemed University), Saranath, Varanasi



V A R A N A S I

2 0 0 0

Research Publication Supervisor—

ISBN : 81-7270-027-X

Director, Research Institute
Sampurnanand Sanskrit University
Varanasi.



Published by—

Dr. Harish Chandra Mani Tripathi
Director, Publication Institute
Sampurnanand Sanskrit University
Varanasi-221 002.



Available at—

Sales Department,
Sampurnanand Sanskrit University
Varanasi-221 002.



First Edition, 500 Copies

Price : Rs. 10.00



Printed by—

Shreejee Computer Printers
Nati Imali, Varanasi-221 002

पालि-ग्रन्थमाला

[१०]

सिरि धम्मराजा क्यच्चा विरचितो

सद्दबिन्दु

सद्धम्मकीर्ति महाफुस्सदेव कृत

अभिनवटीकासहिता

सम्पादको

डॉ० सुरेन्द्र कुमार

उपाचार्य एवं अध्यक्ष, पालि-विभाग
केन्द्रीय उच्च तिब्बती शिक्षा संस्थान
(मानित विश्वविद्यालय), सारनाथ, वाराणसी



वाराणसी

२०५७ वैक्रमाब्द

१९२२ शकाब्द

२००० ख्रैस्ताब्द

अनुसन्धान-प्रकाशन-पर्यवेक्षक —

ISBN : 81-7270-027-X

निदेशक, अनुसन्धान-संस्थान
सम्पूर्णानन्द संस्कृत विश्वविद्यालय
वाराणसी।

□

प्रकाशक —

डॉ. हरिश्चन्द्र मणि त्रिपाठी
निदेशक, प्रकाशन-संस्थान
सम्पूर्णानन्द संस्कृत विश्वविद्यालय
वाराणसी-२२१००२

□

प्राप्ति-स्थान —

विक्रय-विभाग,
सम्पूर्णानन्द संस्कृत विश्वविद्यालय
वाराणसी-२२१००२

□

प्रथम संस्करण - ५०० प्रतियाँ

मूल्य - १०.०० रूपये

□

मुद्रक —

श्रीजी कम्प्यूटर प्रिण्टर्स
नाटी इमली, वाराणसी-२२१००२

सिरि धम्मराजा क्यच्चा विरचितो

सद्दब्बिन्दु

अभिनवटीका सहिता

सम्पादको

डॉ. सुरेन्द्र कुमार

उपाचार्य एवं अध्यक्ष

पालि-अनुभाग, के.उ.ति.शि.सं., सारनाथ, वाराणसी

महाराष्ट्र राज्य सरकार

मुंबई

महाराष्ट्र विधानमंडल

मुद्रा

महाराष्ट्र राज्य

मुद्रा

महाराष्ट्र राज्य विधानमंडल

दो शब्द

पालि व्याकरण परम्परा में मोगल्लानव्याकरण, कच्चायन-व्याकरण और सद्वनीति, इन तीन ग्रन्थ-रत्नों का नाम सबसे पहले लिया जाता है। बाद के आचार्यों ने साहित्य को समृद्ध करने एवं सूत्रों को बोधगम्य बनाने के लिए टीका ग्रन्थ आदि की रचना की। सींहल, बर्मा, स्याम आदि बौद्ध देशों में आचार्यों ने अनेक टीकायें, अनुटीकायें लिखीं। ये ग्रन्थ विद्वानों के साथ-साथ सामान्य जनों के लिए भी अत्यन्त लाभकारी सिद्ध हुए। आज भी इनका महत्त्व सर्वविदित है।

भारतवर्ष में इस परम्परा का निर्वहन नहीं हुआ। नई रचना तो क्या होती, उन बौद्ध देशों की लिपियों में उपलब्ध ग्रन्थों का देवनागरी संस्करण भी अभी तक नहीं हो पाया है। इस प्रकार की उदासीनता से बौद्ध विद्या का विशेष कर पालि साहित्य का कितना उत्कर्ष होगा, यह विद्वाद्जन समझ सकते हैं।

प्रस्तुत ग्रन्थ 'सद्विन्दु' में बीस कारिकायें हैं। जिसके अन्तर्गत, सन्धि, नाम, कारक, समास, तद्धित, आख्यात एवं कित प्रकरण की चर्चा उपलब्ध है। इसे 'पेगन' (बर्मा) के राजा 'क्य-चवा' ने बारह सौ पचास ईस्वी^१ के आस-पास राजमहल के स्त्रियों के प्रयोग हेतु बनाया था। 'गन्धवंस'^२ नामक ग्रन्थ से भी ऐसी ही सूचना प्राप्त होती है। पुनः पन्द्रहवीं शताब्दी के अन्त में स्याम देश के बौद्ध विद्वान सद्धम्मकीर्ति महाफुस्सदेव द्वारा उक्त 'ग्रन्थसारो' नाम सद्विन्दु विनिच्छयो' नाम से इस ग्रन्थ पर एक अनुटीका की रचना की गई। ये टीका एवं अनुटीका ग्रन्थ कच्चायन व्याकरण पर आधारित हैं।

प्रस्तुत संस्करण का आधार ग्रन्थ जर्नल आफ पालि टेक्स्ट सोसाइटी लन्दन है। ग्रन्थ का पाठ यत्र-तत्र बहुत ही अस्पष्ट एवं भ्रष्ट है। इतना है कि

-
१. 'कच्चायन व्याकरण' की भूमिका में प्रो. तिवारी जी ने इसे १५ वीं शताब्दी के मध्य का ग्रन्थ बताया है।
 २. 'क्यच्चा-रज्जो सद्विन्दु' नाम पकरणं..... अकासि। गन्धवंश पृ. ६४-४। तथा सद्विन्दु पकरणं..... अत्तनों मत्तिया क्यच्चा नाम रज्जा कता-पृ. ६३-२८।

यह ग्रन्थ जिज्ञासु पाठकों को देवनागरी लिपि में प्राप्त हो सकें। सम्पादन के क्रम में प्रयोग किए गये अन्य ग्रन्थों के साथ-साथ ग्रन्थ-गत सूत्रों का निर्देश करने में प्रो.लक्ष्मी नारायण तिवारी जी द्वारा सम्पादित ग्रन्थ कच्चायन व्याकरण का बहुत सहयोग प्राप्त हुआ है। जितना सन्दर्भ उपलब्ध हो सका उसके आधार पर ग्रन्थ को सुस्पष्ट करने का प्रयास किया गया है। शेष का पाठ यथावत है। प्रो. ब्रह्मदेव नाराण शर्मा जी की प्रेरणा से यह कार्य सम्पादित हो सका है। मैं सभी आदरणीय विद्वानों के प्रति अपना आभार प्रकट करता हूँ।

सुरेन्द्र कुमार

नमो तस्स भगवतो अरहतो सम्मा सम्बुद्धस्स

सद्दबिन्दु

यस्स जेय्येसु धम्मेषु नाणुमत्तं प्यवेदितं ।

नत्वा सधम्मसंगं तं सद्दबिन्दुं समारभे ॥१॥

सन्धियो

कादीरिता नव संख्या कमेन तादि यादि च ।

पादयो पञ्च संख्या ति सुञ्जा नाम सरञ्जना ॥२॥

सरे हेव सरा पुब्बा लुत्ता वाची^१ परा^२ रमा^३ ।

ब्यञ्जना चागमा वाची दीघरस्सादिसम्भवा ॥३॥

काकसेन आगतोसि^४ केनिब्धिं अतिदिस्सति ।

अराजाख्वग्गि मेसिनं सोतुक मेघयित्थियो ॥४॥

नामं

बुद्धो पुमा युवा सन्तो राजा ब्रह्मा सखा च सा ।

यतादि देहि जन्तु च सत्थु पिता भिभू विदू ॥५॥

कञ्जा-म्मा-रत्ति-त्थि-पोक्खरणी नध्यरू^५ मातु-भू ।

नपुंसके तियन्ता व पद-कम्म-दधायुतो ॥६॥

गहिताग्गहणेनेत्थ सुद्धे स्याध्यन्तका पुमे ॥

विमला^६ होन्ति छन्तेहि थ्यं^७ पञ्चन्तेहि दाधिका^८

नपुंसके पयोगा तु जनका होन्ति त्यन्ततो ॥७॥

१. चतुसट्ठि (टी.);

२. द्विपञ्चास (टी);

३. उजु (सद्दनिस्सय) सो (टी);

४. थियं (न्य);

५. सरा (टी)

६. असि (टी)

७. तिसत्तचतुपञ्चास

८. अट्टनवसत्तं

पधानानुगता सब्ब नाम-समास-तद्धिता
अतिलिङ्गा निपातादि ततो लुत्ता व स्यादयो
सुत्तानुरूपतो सिद्धा गो त्वन्तो थ पनादयो ॥८॥

कारकं

छ कारके^१ च सामिस्मिं समासो होन्ति सम्भवा ।
तद्धितो कत्तु कम्म सम्पदानोकास सामीसु ॥९॥
तिसाधनम्हि^२ आख्यातो कितको सत्त साधने ।
सब्बत्थ पठमा वुत्ते अवुत्ते दुतियादयो ॥१०॥
मनसा मुनिनो वुत्था वने बुद्धेन वण्णिते ।
वट्ठाभीतो विवट्ठत्थं भिक्खु भावेति भावनं ॥११॥

समासो

रासि^३ द्विप्पदका^४ द्वन्दा लिङ्गेन वचनेन च ।
लुत्ता तुल्याधिकरणे^५ बहुब्बीहि तु खेपयु ॥१२॥
तप्पुरिसा च खेपोयादया^६ च कम्मधारया ।
दिगवो चाब्बनाहारा^७ एते सब्बावहारिता ॥१३॥

तद्धितं

कच्चादितो पि एकम्हा सहतो नियमं विना ।
नेकत्थे सति होन्तेव सब्बे तद्धित पच्चया ॥१४॥

आख्यातं

कत्तरि नाब्बथा कम्मे तथा भावे तु मेरया ।
सब्बे ते पञ्चधातुम्हि संखेपेन मरूमयं^८ ॥१५॥

१. छ कारकेसु (टी);

३. द्वासत्तति;

५. ०आ(टी);

७. द्वेकूनवीसति;

८. अट्टवीसति;

२. स्मिं (टी)

४. द्विपदिका (टी)

६. खेमयु (टी) द्वादससतं।

९. मरु(टी)

गमुम्हि^१ तिगुणा एत्तो सम्भवा अञ्जधातुसु ।
अनन्ता व पयोगा ते आदेसपच्चयादिहि^२ ॥१६॥

कितकं

कितादिपच्चया सब्बे एकम्हा अपि धातुतो ।
सियुं नुरूपतो सत्त साधने सति पायतो ॥१७॥
इमिना किञ्चि लेसेन सक्का जातुं जिनागमे ।
पयोगा जाणिना सिन्धु^३ रसो वे केन बिन्दुना ॥१८॥
रम्मं सीधं पवेसाय पुरं पिटकसञ्जितं^४ ।
मग्गोजुमग्गतं मग्गं सद्धारज्जे विसोधितो ॥१९॥
धम्मेन सोब्धिपतिना^५ परुत्थनिको तेनेव^६ ।
किञ्चि जलितो पदीपो कच्चायनुत्तरतने
चित्तगम्भकोने धम्म-राजा^७ गुरुनामकेन ॥२०॥

सहबिन्दु पकरणं समत्तं ।

१. गेमुमि (टी);

३. सिन्दु (टी);

५. सोब्धि-(पी) (टी) नत्थि;

७. *गम्भ (पी) (टी) नत्थि;

२. पच्चया पि हि (टी)

४. सो (टी). *संखातुं (पी)

६. परत्थनिपकेन व-(न्य)

८. नत्थि (टी) राज-(पी)

नमो तस्स भगवतो अरहतो सम्मा सम्बुद्धस्स
सद्दबिन्दु अभिनव टीका
गन्थसारो नाम सद्दबिन्दु विनिच्छयो

पणाम गाथा

नमिस्सित्वान सम्बुद्धं तिलोकं पि महादयं^१
धम्मञ्च विमलं संघं पञ्जक्खेत्तं अनुत्तरं
सद्दत्थं इच्छन्तेन तिक्खपञ्जविसारदा^२
भिक्खुना जाणकित्तेन परिसुद्ध गुणेसिना
याचितो हं करिस्सामि सद्दबिन्दु विनिच्छयं।
पोराणेहि कतानेका सन्ति या पन वण्णना
न ताहि सक्का सुबुद्धं अतिसंखेप-अत्थतो
तस्मा नं वण्णयिस्सामि सब्बे सुणाथ साधवो।
पच्छा तब्बिनिच्छयञ्च साधु गण्हन्तु तत्थिका
एवं समाविचारेत्वा युत्तं गण्हन्तु पण्डिता
अयुत्तं पन भङ्गेन्तु^३ मा च इस्सा भवन्तु ते ति।

रतनत्तय वण्णना

१. परमसुखुमनयसमन्नागतं सकसमयसमयन्तरगहनविग्गाहणसमत्थं
सुविमलविपुलपञ्जावेव्यत्तियजननं^४ सद्दलक्खणसहितं गाथापादसंखातं वरजनानं
पस्सने अखिलनयनसदिसं सद्दबिन्दुपकरणं आरभन्तो पठमं ताव सब्बत्थ
भयनीवरणसमत्थं रतनत्तयपणामं दस्सेतुं यस्स जेय्येसू धम्मोसू त्यादिमाह।

एत्थ हि सम्मासम्बुद्धं सधम्मसंघं नत्वा ति इमिना रतनत्तयपणामो वुत्तो।
तत्थ तत्थ रतनत्तयवन्दनं ताव बहुधा वित्थारेन्ति। विसेसतो पन रोगन्तराय
वूपसमत्थं पत्थेन्ति। वुत्तञ्चि—

१. फ-लोकखीण महोदयं;

२. फ-०दं।

३. फ-०ङ्गेन्तु;

४. न्य-जेय्यत्थजननं?।

निपच्चकारस्सेतस्स कतस्स रतनत्तये ।

आनुभावेन सोसेत्वा अन्तराये असेसतो ॥^१

रतनत्तयवन्दनं हि अत्थतो वन्दनक्रियाभिनिष्कादिका कुसलचेतना। सा हि वन्दितव्ववन्दकानं खेतज्ज्ञासयसम्पदादिताय च दिट्ठधम्मवेदनीय भूता पुराणकस्स कम्मस्स बलानुप्पदानवसेन पुरिमकम्मनिव्वत्तितस्स विपाकसन्तानस्स रोगन्तरायकरानि उपपीलको पच्छेदककम्मानि विनासेत्वा तं निदानं रोगाद'-उपद्भवसंखातानं रोगन्तरायानं अनभिनिव्वत्तितं करोति। तस्मा रतनत्तयवन्दनकरणं अत्तना समारभितव्वस्स सत्थस्स अनन्तरायेन सम्पज्जनत्थं बालकुलपुत्तानं वन्दना पुब्बंगमाय पटिपत्तिया अनन्तरायेन उग्गहणादि सम्पज्जनत्थञ्च। अयं एत्थ समुदायो, अयं पनावयवत्थो। सम्मासम्बुद्धं सधम्मसंघं नत्वा सहबिन्दुपकरणं समारभेति सम्बन्धो।

यस्सा ति पुग्गलनिदस्सनं एतं, जेय्येसु धम्मेसू ति पज्जाविसयनिदस्सनं एतं, नाणुत्तमं ति भवनिदस्सनं एतं, अवेदितन्ति क्रियानिदस्सनं एतं, नत्वा ति कत्तुनिदस्सनं एतं, सधम्मसंघं ति कम्मनिदस्सनं एतं, सहबिन्दु ति सज्जानिदस्सनं एतं, समारभे ति आख्यातक्रियानिदस्सनं एतं। यस्सा ति येन सम्बुद्धेन अवेदितन्ति योजना। जेय्येसु धम्मेसू ति पद द्वयं निधारनसमुदाये येन अनुमत्तनिधारणियं। तत्थ जेय्येसू ति जातब्बं जेय्यं। सभावलक्खणर-सपच्चुपट्टानपदट्टान संखातं धम्मं गम्भीरसागरसदिसं दुब्बिज्जेय्यं बालपुत्थुज्जनेहि न सक्का जानितुं, धम्मस्स गम्भीरसभावत्ता। तं हि निरवसेसतो सब्बज्जुतजाणस्स आरम्भणं एव होति, न अनतिकमवसेन पवत्तति, तस्मा-यावतं जाणं तावतकं जेय्यं, यावतकं जेय्यं तावतकं जाणं ति (?) वुत्तं। तं पन वचनं उदाहटं गन्था यामकता^२ भवेय्य, अथ पन समन्तपासादिकाविनयट्ठकथायं वित्थारितं एव। तं पन ओलोकेत्वा यथा इच्छितं एव गहेतब्बं।

सभावं धारेन्ती ति धम्मो। परमत्थसभावा पच्चयेहि धारीयन्ती ति धम्मा। धारीयन्ति यथा सभावतो ति धम्मो। अथ वा पापके धम्मे धुनाति विद्धंसेती ति धम्मो, सलक्खणं धारेती ति धम्मो, धारीयति पण्डितेहि न बालेही ति वा धम्मो। तेसु जेय्या च ते धम्मा चा ति जेय्यधम्मा।

तेसु अणाति पण्णती ति अणु, मानेत्तब्बं मत्तं, अणुकञ्च तं मत्तञ्चा ति अणुमत्तं, अणुमत्तंपमाणं ये सन्ते ति अणुमत्ता, अणुकं मत्तं ति वतब्बे अणुमत्त

न्ति वुत्तं। कस्मा' अणुकथूलानी' ति पालिया न समेती ति। सच्चं एतं, गाथाबन्धछन्दानुरक्खनत्थं ककारस्स लोपो दट्ठब्बो।

अपी ति उपसगो, अपि-सद्दो द्विवाचको गरहत्ये रुचिअत्ये ति। वुत्तं हि-गरहत्ये रुचि-अत्ये^१, अपिसद्दो द्विवाचको ति (?)। तेसु रुचि-अत्यो अधिप्पेतो। अयं पन अम्हाकं खन्ति। केचि पन गरहत्ये इच्छन्ति। तं न युज्जति। कस्मा? 'यो कप्पकोटिही पी, 'ति न पमेतत्ता' अपि सद्दो' रुचि अत्ये आचरियेन इच्छितो। तं पन अम्हाकं खन्ति एव समेति। अथ पन अब्जथा इच्छमाना वीमंसित्वा गहेतब्बा।

विदितब्बं वेदितं, ज्ञाणं विदति जानाति एताया ति वा वेदि, विदज्जाणे त-पच्चयं। न वेदि अवेदि, न' त्थि वेदि एताया ति अवेदि। नमितुना ति नत्वा आचरियो।

सतं धम्मो सद्धम्मो, हनती ति संघो, समगं कम्मं समुपगच्छती ति वा संघो। सद्धम्मो च सो संघो चा ति सद्धम्मसंघो। तं ति सम्मासम्बुद्धं।

तत्थ धम्म-सद्दो पन सामञ्जवचनो धम्मो सभावो परियत्ती ति आदीसु पवत्तति। तेसु पन सभावपरियत्ति इधाधिप्पेतो। सभावपरियत्ति नाम किन्ति चे, मग्गफलनिब्बानसंखातो सभावधम्मो नाम, तेपिटकं बुद्धवचनं परियत्ति धम्मो नामा ति परिहारवचनं कातब्बं।

संघं-सद्दो पन सामञ्जवचनो। चतुवग्गपञ्चवग्गदसवग्गादिके तथा मग्गट्ठे च फलट्ठे च संघ सद्दो पवत्ती ति चोदना। तेसु पन मग्गट्ठे च फलट्ठे चा^३ ति वेदितब्बा। वुत्तं हि—

मग्गट्ठा च फलट्ठा च अट्ठेवारियपुग्गला,

आदितो सत्त सेखा च असेखा अरहा परो। ति (?)

जेय्येसू ति विसेसनं, धम्मेसू ति विसेस्यं। विसेसनं नाम बहुतरं नवतिंस विसेसनं तुल्याधिकरणविसेसनं, भिन्नाधिकरणविसेसनं; तुल्याधिकरणविसेसितब्बं, भिन्नाधिकरणविसेसितब्बं, कम्मविसेसितब्बं, कतुविसेसितब्बं, करण विसेसितब्बं, सम्पदानविसेसितब्बं, अपादानविसेसितब्बं, अधिकरणविसेसितब्बं, आधारविसेसितब्बं, ओकासविसेसितब्बं, पदेसविसेसितब्बं, भिन्नविसेसितब्बं, अभिन्नविसेसितब्बं, भिन्नाभिन्न विसेसितब्बं, अनुभूतविसेसितब्बं, जाति

१. न्य-सो टी-रुचि;

२. पनेत्थ?;

३. तु. अट्ठ. पृ-४८४।

* यो कप्पकोटीहि पि अप्पमेय्यं,
कालं करोन्तो अति दुक्करानि।

खेदं गतो लोकहिताय नाथो,

नमो महाकारुणिकस्स तस्स ॥ सम.पा. १, पृ-३

विसेसितब्बं, क्रियाविसेसितब्बं, गुणविसेसितब्बं, दब्बविसेसितब्बं, नाम विसेसितब्बं, भिन्नजातिविसेसितब्बं, अभिन्नजातिविसेसितब्बं, भिन्नाभिन्नजाति-विसेसितब्बं, भिन्नक्रियाविसेसितब्बं, अभिन्नक्रियाविसेसितब्बं, (भिन्नाभिन्नक्रिया विसेसितब्बं, भिन्नगुणविसेसितब्बं) अभिन्नगुणविसेसितब्बं, भिन्नाभिन्नगुणविसेसितब्बं भिन्नदब्बविसेसितब्बं, अभिन्नदब्बविसेसितब्बं, भिन्नाभिन्नदब्बविसेसितब्बं, भिन्ननाम-विसेसितब्बं, अभिन्ननामविसेसितब्बं, भिन्नाभिन्ननामविसेसितब्बं, ति चोदना। तुल्याधिकरणविसेसितब्बं ति कथं तुल्याधिकरण विसेसितब्बन्ति विज्जायती ति। अभिन्नपवत्तन्ति निमित्तासदा एकस्मिं वत्थुनिपवत्ता तुल्याधिकरणा नामा ति।

यस्सेकत्तविभत्तितं^१ एक संख्याक्रिया पि च।

समानलिङ्गता चेव तुल्याधिकरणं भवे ति ॥^२

वचनतो, अथ वा भिन्नविसेसनं, दब्बविसेसनं, गुणविसेसनन्ति। होति चेत्यः

यस्मा हि या भेदजेय्यं होति तब्बिसेसनं

तच्च जाति-गुण-क्रिया दब्ब-नाम न्ति नेकधा ति (?) ॥

तस्स विसेसनं तब्बिसेसनं, तस्स विसेस्यभूतस्स अत्थस्स विसेसनं। किं अत्था ति वित्थारेण सदसत्थन्तरे येव अतिवहूतरा होन्ति। सचे इध पन वित्थारेण गन्थभीरुका भवेय्य दन्धपज्जो, तं नवतिसं विसेसनं नाम बहुतरं किं पयोजनन्ति सन्धाय वुत्तन्ति।

अहं ति पदं समारभे ति कत्ता। कत्ता च नाम पञ्चविधाः संयकत्ता, हेतु कत्ता, कम्म कत्ता, वुत्तकत्ता, अवुत्तकत्ता ति पञ्चधा कत्तुकारणा। तेसं पन भेदतो सयं कत्ता नाम 'सुद्धो पुज्जं करोति' त्यादि, हेतु कत्ता नाम 'पुरिसो पुरिसं कम्मं कारेती' त्यादि, कम्म कत्ता नाम 'सयं एव कोट्ठाभिज्जते' त्यादि, वुत्त कत्ता नाम 'पुरिसो रथं करोति' त्यादि, अवुत्तकत्ता नाम 'सूदेन पचते ओदनो' त्यादि। वुत्तं हि—

सयं कत्ता हेतुकत्ता-प-कत्ता पञ्चविधो होती^३ ति (?) तेसु वुत्तकत्ता इधाधिपेत्तो।

कम्मं पन दुविधं वुत्तावुत्तभेदेन। वुत्तकम्मं नाम 'अहिना दट्ठो नरो' त्यादि, अवुत्तकम्मं नाम 'रथं करोति पुरिसो' त्यादि। द्वीसु अवुत्तकम्मं इधाधिपेत्तं। कस्मा

ति चे, दुतिया विभक्तिदस्सनतो। पुन कम्मं नाम तिविधं निष्कृतिविकृतिपत्ति भेदेन। निष्कृतिकम्मं नाम 'कुटिं करोती' त्यादि, विकृतिकम्मं नाम 'कट्टं झापेती' त्यादि, पत्तिकम्मं नाम 'रूपं पस्सती' त्यादि। तेसु पन पत्तिकम्मं इधाधिप्येतं। दुविधं पन पत्तिकम्मं कायचित्त भेदेन। काय पत्तिकम्मं नाम 'बुद्धं वन्देती' त्यादि, चित्त पत्तिकम्मं नाम 'आदिच्चं नमस्सती' त्यादि। द्वीसु काय पत्तिकम्मं^१ इधाधिप्येतं। इच्छितानिच्छितनेविच्छितनानिच्छितकम्म भेदेन तिविधं। 'भत्तं भुञ्जती' त्यादि इच्छितकम्मं, 'विसं गिलती' त्यादि अनिच्छितकम्मं; नेविच्छितनानिच्छितकम्मं नाम 'गामं गच्छन्तो रुक्खमूलं पाविसी' त्यादि। तेसु इच्छितकम्मं गहेतव्यं एव^२।

कस्मा ति चे, नत्वा ति चे, पुब्बकालकिरियाय कथं जानितव्यं ति। तं हि—

एककत्ता क्रियानेका चेतारं पुब्बकालतं

भावेत्वा ति अमुकस्मिं तं तदत्थक्रिया मता^३ ति ॥ (?)

नत्वा पुब्बकालक्रिया ताव पच्छा समारभे ति पदं सन्धाय वुत्ता पुब्बकालक्रिया युत्तं एव होति। नमु धातु, नत्वा ति चेत्य त्वा-पच्चयो पुब्बकालादीसु चतूसु अत्थेसु दिस्सति। पुब्बकालो इध दट्ठव्वो रतनत्तये। कस्मा ति चे। अपयुत्तितो। सचे हि अपरकालस्मिं गन्थकरणतो पच्छा नमस्सनं सिया। सचे समान कालस्मिं^४ एकक्खणे क्रियाद्वयं भवेय्य। सचे हेतुम्हि, नमस्सन्तो येव गन्थकरणां।

नो करुणाय। अयं आचरियो हि बहुधा पकारेन गन्थे पस्सितुं असक्कोन्ते दन्धपज्जे जत्वा दया उपज्जतिः कथं पन इमे पुग्गला सदसत्थछेका सियुं; सदसत्था हि बहुतरा, इमे पन मन्दपज्जा ति। तस्मा दया चे ति इदं सत्थं करोति, नो नमस्सनतो। नमस्सनं पन किं पयोजनन्ति अन्तराय विनासनत्थन्ति। ननु वोचुम्हा—वन्दनं पन विना सत्थस्स पकरणस्स असिज्जनत्थं करोति, सत्थं पन निप्पयोजनं होति। तथा हि वुत्तं—

विना हि मंगलं सेट्ठं पदुमसमिताचरियो ।

करोति किर घाटेति सीहो तं वधित्वा गतो^५ ति ॥ (?)

१. टी-सम्पत्ति.

२. द्र. कच्च.भे. ५९, ६३।

३. न्य-नुसारेन;

४. न्य-सो; टी.-समानं;

५. न्य-नुसारेन।

अतिविय दिस्सति। सीहो ति कालसीहो इधाधिप्पेतो। त्वा-पच्चयो तीसु साधनेसु कत्तुसाधनं इधाधिप्पेतं, न इतरद्वयं। कस्मा ति चे। अत्थयुत्तितो। सचे हि कम्म साधनवाचको सिया, तं सम्मासम्बुद्धन्ती त्यादि पदेहि सम्बन्धो न युज्जति। कस्मा ति चे। सम्मासम्बुद्धं त्यादि पदानं अवुत्तकम्मत्ता। कथं विज्जायती ति चोदना। दिट्ठदुतिया विभत्तितो। दुतिया विभत्ति च अवुत्तो व होति, कथं विज्जायती ति। 'कम्मनि दुतियाय क्तो' ति वचनतो, 'वुत्ते तु पठमा होति, अवुत्ते दुतियादयो' ति (?) वचनतो, सचे भावसाधनं सिया, तदा कम्मनि सम्बन्धनीयं न भवेय्य। सचे कम्मं नो इच्छेय्य, तदा छट्ठी कम्मं एव भवति। कत्तुसाधनं हि युत्तं होति।

अथ खो समारभे ति कत्तुवाचकेन क्रियापदेन समानाधिकरण भावतो तस्सेव विसेसन भावतो च कत्तु वाचको विजानितव्वो। ननु सामञ्जं विसेस्यं भेदनं विसेसनं ति (?) वचनतो समारभे ति पदं विसेसनं ति। नत्वा ति हि पदस्स साधनत्तय वाचकत्ता पुब्बकालादि चतुन्नं अत्थानं वाचकत्ता सामञ्जं जातं। समारभे ति पदस्स कत्तवत्थे येव वाचकत्ता एकन्तपरकालिकत्ता च भेदनं जातं ति। सच्चवं एतं, तथा पि एवं इध न दट्ठब्बं। इमा पन समारभे ति पदं विसेस्यं, समारभे ति वुत्ते भुत्वा सयित्वा वत्वा वा यं किञ्चि सब्बकम्मं कत्वा समारभे ति अनियमं होति। नत्वा ति वुत्ते पन सेसं सब्बं पुब्बक्रियं निवन्तेती ति। त्वं तेन भवियमाना क्रियाकामं विय यथा वा भूता। तथा पि अपधानं होती ति वुत्तं।

अनुमत्तं ति पदं पच्चत्तवचनं कम्मानि होति। कथं विज्जायती ति चे, यस्सा ति पदं ततिया विभत्तियं एव भजति। यस्सा ति येन सम्मासम्बुद्धेना ति वुत्तत्ता पठमा कम्मनि होती ति। तथा हि वुत्तं:—

यदा च पठम कत्ता दुतिया कम्मं एव च।

यदा च ततिय कत्ता पठमा होति कम्मनी ति ॥(?)

इध पन पच्चत्तवचनं कम्मानि येव होती ति वेदितव्वं। सेसं पन वत्तव्वं न वित्थारेम। सचे वित्थारे गन्थ गरुका भवेय्य तं सदसत्थन्तरे येव बहुतरं। वित्थारेत्वा इध पन न वक्खामि, तत्थिके हि गवेसेत्वा गहेतव्वा ति।

तत्थ सप्पति उच्चारियती ति सदो, सदीयति कथीयती ति वा सदो, सप्पति सोतविज्जाणारम्मणभावं आपज्जती ति वा सदो, उच्चारियती ति वा सदो।

उतुज सद्दो चित्तजो च, तत्थ पच्छिमो इधाधिप्येतो। कस्मा? सो व मुनिन्दमुखम्बुजसम्भूतो उपादायुपसंखातो सद्दो। सप्प-धातु उच्चारणे ति हि धातु 'रज्जुदादीहि' ध-दि-द् किरा क्वचि ज-द-लोपो^१ चा' ति सुत्तेन द पच्चयं कत्वा 'परद्वेभावो ठाने'^२ त्यनेन द-कारस्स द्वेभावं कत्वा रूपसिद्धि वेदितब्बा।

बिन्दति पग्घरती ति बिन्दुः बिन्दपग्घरणे ति हि धातु। 'विद-अन्ते ऊ'^३ ति ऊ पच्चयं कत्वा क्कचादि मज्झन्तरादि'^४ सुत्तेन ऊ पच्चयस्स रस्सं कत्वा रूपसिद्धि। बिन्दु विया ति बिन्दु। अथ वा सद्धानं कच्चायनादिनं बिन्दु सद्दबिन्दु, सद्देसु वा कच्चायनादिसु बिन्दु सद्दबिन्दु, सद्दञ्च तं बिन्दु चा ति सद्दबिन्दु। ते-सु पठमो तप्पुरिसद्वयं एव लभति। कस्मा ति चे, सद्दबिन्दु ति न वुत्तं। सच्चं एतं सद्दबिन्दु ति पठन्ति। न दोसो ति वचनं आचरियेन वुत्तं। ननु व-कारस्स ब-कारं कत्वा किं पयोजनन्ति चोदना। व-कारस्स ब-कारं अविनाभावतो यथा तं पाली ति वुत्तं होति। ल-कारस्स ल-कारं कत्वा पाली ति वुत्तं होति। तथा हि:

सब्ब त्यत्र विकारो हेत्युच्चते अनञ्जतो ।

तस्स रूपं दुका होति ल-कारस्स तथा पि वा ।।

छिन्द दन्तो यथा नागो कुञ्जरक्खाधिगच्छति ।

एवं पि वण्ण विकारो तब्बोहारं विगच्छती ति ।।(?) वुत्तं होति

अत्थे कथा ति अट्ठकथा, सब्बथा पि यथानुरूपवसेन वण्णविकारं कातब्बं।

सन्धि कप्पो

२. एवं रतनत्तयवन्दनं दस्सेत्वा इदानि अत्तना सम्मारभितस्स पकरणस्स पटिज्जात भावं दस्सेतुं कादीरिता त्यादिमाह। तत्थ कादी ति को आदिये सन्ते ति कादयो; ईरितब्बा कथेतब्बा ति ईरिता, ईर-धातु कथने। निमित्तब्बा संख्या। नवञ्च नवञ्च नवञ्च नवा एकसेसो कातब्बो। नवञ्च तं संख्या चा ति नवसंख्या। टो आदिये सन्ते ति टादयो, यो आदिये सन्ते ति यादियो, पो आदिये सन्ते ति पादयो, सरो च जो च नो च सर-ज्ज-ना। तत्थ कादि अक्खरा नाम यथा क,ख, ग,घ,ङ,च,छ,ज,झा ति नवक्खरा नव संख्या नाम कवीहि कथिता। टाध्यक्खरा नाम यथा ट,ठ,ड,ढ,ण,त,थ,द,धा ति नवक्खरा नव संख्या नाम सद्दसत्थविदूहि वुत्ता। याध्यक्खरा नाम यथा य,र,ल,व,ष,श,स,ह, लाति मे नवक्खरा नव संख्या नाम विज्जुहि ईरिता। पाध्यक्खरा नाम यथा प,फ,ब,भ,मा

१. कच्चा. ६६३;

२. कच्चा. २८।

३. कच्चा. ६१८;

४. कच्चा. ४०५।

ति पञ्चक्खरा पञ्च संख्या नाम पण्डितेहि भासिता। सर ज्ञ-ना ति अट्ट सरा
ज-ना येव सुज्जं नाम चा ति, तं यथा अ-प-ओ, ज,ना ति पकासिता ति।
कमेना ति^१ कमं एव पदच्छेदो। एवं द्वितालीस-अक्खरे लेखणा ति इमे^२ पञ्च
वग्गे कत्वा कुलपुत्तानं तिपिटकेस्वेव पटुभावाया ति। तेसु पन क-ट-या ति तयो
वग्गा नव संख्या नाम, पादि वग्गा-पञ्च संख्या नाम, सर-ज्ज-ना ति दसक्खरा
सुज्जा नाम। तेसं नाम पभेदतो सज्जा पन अत्थाय पञ्च वग्गे कत्वा ति
अधिप्पायो। तेसं पन लक्खणं कथं विज्जायती ति। तत्थ का ति पदं १ (एकं)
लेखं, खा ति पदं २(द्वे) लेखं, प-झा-ति ९(नव) लेखं कातब्बं-
१,२,३,४,५,६,७,८,९,। टा ति पदं १ (एकं) लेखं,प-धा-ति पदं ९ (नव)
लेखं लिखितब्बं एवः १,२,३,४,५,६,७,८,९,। य,र,ल,व,ष,श,स,ह,ला ति
एसेव नयो। पा ति पदं १(एकं) लेखं-प-मा ति पदं ५(पञ्च) लेखं कातब्बंः
१,२,३,४,५,अ,आ,प,ओ,ज,ना ति सुज्जा नामा ति दट्ठब्बं। सुज्जा नाम अट्ट
लक्खणं : बिन्दु कातब्बं ०,०,०,०,०,०,०,०,०,०,०,। इध लेखं उदाहटं :
तिसमे पुरिसे नावुत्थो, ३९०००, ग-झ-अ-ज-न। इदं पन लेखं सब्बत्थ
वेदितब्बं। होति चेत्यः

आदि वग्गा नव संख्या टादि-यादि-वग्गा तथा

पादि-वग्गा पञ्च संख्या आदि नन्ता सुज्जा पि च,

एते पञ्च वग्गे ताव पच्छा लेखं करे बुधा^३ ति (?)

तेसं अट्ट सरानं व्यञ्जनानञ्च एकक्खरं एकपादं बन्धित्वा^४ कुलपुत्तानं
मुखमण्डनाय दस्सेन्तो आह—

अ-ददं आ-रणं बुद्धं -----

अभिवद्धं पुज्जबलं ईरित धम्मं उत्तमं।

ई होति काम किलेसं उ-टि-च्छेद संगं एकं

अनेकमेक पुरेति सम्बोधा च वरुत्तमं

ओहाय लोकं^५ गच्छेय्य हे हेतं पणमामहं

१. टी-कमेवा ति;

२. टी- मे।

३. न्य-सो; टी.बुधा;

४. न्य-सो; टी-बिन्दित्वा;

५. न्य-सो; टी-लोक।

अकि-कार-पुणं इदं खं चरन्ति विहंगमे
 गत-कारे-जने पस्स घटेति वायामं इठ
 डक्खरो सर-निस्साय नत्थेकं पिटकत्तये
 तस्मा व अस्स विकारो निग्गहितं ति अक्खुं
 वज्जेय्य पुं महाराजा छड्ढे जटं विजटहि
 जनेथ आदान भावेन चागमा पुञ्ञसम्पदं
 जातब्बं धम्म जातन्ति फुतं रञ्चतो इट व
 ठत्वा पुञ्ञानुभावेन टाही गण्हाही फलदं
 वड्ढं वड्ढेन आचायं णहि इणं न गहेय्य
 तारेहि न-करं इणं ताहि राजतवानुभा
 ददं यन्तान धम्मेन धम्मं गच्छेय्य कामतो
 नरेहि अत्तनो गेहे बहिरक्खाहि समणे
 वालेसि सरीरं जाता फासु पसे वियो होति
 अयं सील विसुद्धानं मरित्वा इध लोकम्हा
 याहि सग्गनिवासनं रतिं पेमं राजाजने
 लभित्वा अत्तनो गेहं धम्मिकं विय पस्सति
 रतनत्तयस्स महा कामधरेहि खत्तिय
 सरित्वा इनने अन्ते मणे गणं विनोदये
 ळ-ति कीळन्तराजानो अथ तेजेन तादिना ति (१)

एवं द्वेतालीसक्खरे गहेत्वा एकपादं एकक्खरं सुबन्धित्वा राजोवादं दसहि
 कारणुपायन्ति कस्मा ति चे, एकक्खरं नाम एकपादं बन्धित्वा कत्थचि दिस्सती
 ति। सच्चं, तं पन एकक्खरं एकपादं नाम ताव होतु, चतुरो अक्खरा गाथा नाम
 अत्थि, 'साधि मेत्थुत्थादीहि' पोराणवुत्तोदयटीकायं (?) वुत्तं। अथ वा द्वे अक्खरा
 ति-अक्खरा चतु-अक्खरा च गाथा नाम होन्ती ति:

राजा पातु

सब्बं मच्चं (?)

सुदेवो वस्सतु

सब्बस्सं समारं (?)

तथा चतुरो अक्खरा पोरणोहि बन्धिता अत्थि, तं यथा: च,भ,क,सा,ति:

चज दुज्जनसंसग्गं भज साधु समागमं

कर पुज्जं अहोरत्तिं सर निच्चं अनिच्चतं ति (?)

तेसं अत्थो अतिविय पाकटो येव।

३. एवं द्वेतालीसक्खरे पञ्च वग्गे कत्वा गाथाबन्धने च दस्सेत्वा इदानीं पुब्बलुत्त पर लुत्त सरानं भेदं दस्सेन्तो आहः सरे हेव त्यादि। तत्थ सरा ति सरन्ति गच्छन्ति पवत्तन्ती ति सरा। तेहि एव सद्दो सन्निधानकरणत्थो अधिप्पेतो। पुब्बे भवा पुब्बा, पुब्बे जाता पुब्बा, पुब्बे पवत्ता ति वा पुब्बा। अदस्सनं लोपो, लुप्पनं वा लोपो, पुब्बञ्च तं लोपञ्चा^१ ति पुब्बलुत्तं। पुब्बलुत्तस्स भावो पुब्बलुत्ता ति पि अपरे। वाची ति संख्यावचनं, चतुसट्ठी ति वुत्तं होति। पर लुत्ता परा, परियोसाने लुत्ता परा^२ त्यत्थो। रमा ति संख्यावचनं, द्विपञ्चासा ति वुत्तं होति। व्यञ्जनानञ्च आगमद्धाने वाची, चतुसट्ठी होन्ती ति अत्थो।

दीधरस्सा च अक्खरा यथा सम्भवा ति आदि सदेन चेत्थ संयोगक्खरानं लोपं संगहति। पुब्बलुत्तपरलुत्तसरानं व्यञ्जनानञ्चागमं पदच्छेदो कातव्वो। तत्थ पुब्बलुत्तसरा ताव वुचयते, तं यथा: 'तत्रायमादि। पर लुत्तसरा नाम यथा: 'वत्तारो मे भिक्खवे' किंसूध, वित्तं त्यादि। सेसा पन सरूपतो सविज्जेय्या व,अधिप्पायतो च सुपाकटा येव।

४. एवं पुब्बलुत्त परलुत्तादि भेदं दस्सेत्वा इदानीं सन्धिपदच्छेदं दस्सेतुं आह-काकासेना त्यादि। तत्थ पदच्छेदो ताव वुच्चते-को आकासेन आगतो, सो इसि। केन इद्धिं अतिदिस्सति। अरि, अज, आखु, अग्गि, मा, इसिनं, सा, ओतुकं, मेघा, य, इत्थियो ति पदच्छेदो। अरि,अज,आखु,अग्गि,मा,इसिनं, सा,ओतुकं,मेघ, या,इत्थियो ति पदच्छेदो ति अपरे। को ति को जनो, सो इति एव, केन कारणेन,इद्धी ति जाणं,अति बहुतरा, अरी ति पच्चत्थिका,अजा ति एळको, आखू ति उनदूरो,सा ति सुनखो, ओतुकं ति विळारो,मा ति इन्दु,^३ या ति महिका मत्तिकापुज्जो,^४ उन्दति खनती ति उन्दूरो,^५ सुसुसदं नदती सुनखो,

१. न्य-लुत्तं;

२. पी-सो; टी-सरा।

३. टी-इन्दुरो;

४. टी-पुज्ज;

५. टी-रे।

सामिकं सुणाती ति सुनखो, विलायं सद् राती ति विळारो,विवेगेन सत्ते लाति गणहाती ति बिलारो, महियं सेती ति महिसो, महियं रवती ति वा महिका। सा अज पच्चत्थिका, ओतुकं, आखु-पच्चत्थिका,मेघा अग्गि पच्चत्थिका, इत्थी इसीनं पच्चत्थिका, मा या-पच्चत्थिका चा ति सम्बन्धो। सेसं उत्तानत्थं एव। अत्थोपि सुविज्जेय्यो वा ति। इदं गाथाबन्धं सन्धिच्छेदपकासनत्थाय कतं ति अधिप्पायो।

इति सन्धिकप्पस्सत्थवण्णनं पठमं।

नाम कप्पो

५. एवं परमविचित्तसन्धिकण्डं दस्सेत्वा इदानीं नामकण्ड भेदं दस्सेतुं आह—बुद्धो त्यादि। बुद्धो ति बुद्ध-सद्दो, पुम सद्दो, युवा-सद्दो,सन्त-सद्दो,राज-सद्दो,ब्रह्म-सद्दो,सख-सद्दो यथाक्कमं^१ एतेसं व सा छ अन्तो पुमे येव होती ति बेदितब्बा। निब्बचनं पन एत्थ कत्तब्बं एव। बुज्झति उच्चारियती ति बुद्धो, बुद्ध-सद्दो। सेसं विचारेत्वा विग्गहो कातब्बो। बुद्धो च पुमो च युवो च सन्तो च राजा च ब्रह्मा च सखा चा ति समाहारद्वन्द्वो कातब्बो। च सद्दो पन एत्थ समुच्चयत्थो अधिप्पेतो। यति सद्दो च आदि-सद्दो च देही-सद्दो च जन्तु सद्दो च सत्थु-सद्दो च पितु-सद्दो च अभिभू सद्दो च विदू-सद्दो चा ति पुमे येव होन्ती ति दट्ठब्बा। छ अन्ता नाम अ-कारन्त आ-कारन्ते ई-कारन्त, उ-कारन्त, ऊ-कारन्त, ओ-कारन्त संखाता होन्ति।

६. एवं पुमलिङ्गादि भेदं दस्सेत्वा इत्थिलिङ्गादिभेदं दस्सेन्तो आहः कज्जा त्यादि। तासं पि पदच्छेदो ताव कज्जा,अम्मा, रत्ति, इत्थी, पोक्खरणी, नदी, ऊरू,मातु,भू,कातब्बो। अत्थो च विग्गहो च पाकटो येव। इत्थियं एव पञ्च अन्ता होन्ति, यथाः आ-कारन्त, ई-कारन्त, उ-कारन्त, ऊ-कारन्त, ओ-कारन्त संखाता पञ्च अन्ता नाम। एवं इत्थिलिङ्गादिभेदं दस्सेत्वा इदानीं नपुंसकलिङ्ग दस्सेन्तो आह—नपुंसके त्यादि। तियन्तं एव नपुंसकलिङ्गा भवन्ति, पद, कम्म, दधि, आयुवसेन विज्जायती ति। एव-सद्दो पन एत्थ सन्निधापको अधिप्पेतो^२। तियन्ता ति-अन्त। 'जिनवचनयुत्तहि'^३ लिङ्गञ्च निप्फज्जते^४ ततो च विभक्तियो^५ त्यादि सुत्ते अधिकिच्च 'झलानं इय युव सरे वा' ति^६ सुत्तेन इ-कारस्स इय-आदेसं कत्वा,

१. न्य-सो; टी-क्कम्मं;

३. कच्चा. ५२;

५. कच्चा. ५४;

२. टी-धिप्पेतो।

४. कच्च. निपच्चते-सूत्र-५३।

६. कच्च. ७०।

‘पुब्ब मधो’^१ त्यादि सुत्तेन ‘सरलोपो’^२ त्यादि सुत्तेन, ‘नये परं युत्ते’^३ सुत्तेन रूपसिद्धि वेदितव्यो।

अ-कारन्त, ई-कारन्त, उ-कारन्त, ओ-कारन्त, संखाता पि अन्ता नपुंसकलिङ्गे होन्ति। वुत्तं पि च एतं

अन्ता पुमहि रसो^४ च उसु च इत्थिलिङ्गिकं

नपुंसके तियन्ता व तेपिटकेसु सञ्जिता।

न विज्जन्तेत्थ सेसा च सन्देहं मा करे बुधो ति (?)

अत्थो पन तिस्साय सिद्धो होती ति।

७. एतं चतुदस अन्ते दस्सेत्वा इदानीं त्यादि विभक्तियो अन्तेस्वादि भेदं दस्सेन्तो गहिता स्यादि। एत्थ बुद्धो ति आदिकेसु स्यादि विभक्तियो पन अन्त पुमे येव होन्ति। गहित अगहणेन अन्तेही ति योजना। विमला ति संख्यावचनो, तिसत्तचतुपञ्चासा ति वुत्तं होति। थ्यन्ति इत्थियं, पञ्चन्तेही ति पञ्च अन्तेही। पुन गहित अगहणेन स्यादि विभक्तियो होन्ति। दाधिका ति संख्यावचनो, अट्ठ नव सत्तं ति वुत्तं होति। स्यादि-विभक्तियो युज्जन्ता पन नपुंसके येव भवन्ति। पुन गहित अगहणेना ति अन्ततो, जनका ति संख्यावचनो, अट्ठ, एकसत्तं ति वुत्तं होति। तेन वुत्तं—

‘तिसंघानि च अन्ते च पुमे स्यादि विभक्तियो

सत्तं दल्हा इत्थियं हि अट्ठसत्तं नपुंसके

तेपिटकेसु विज्जन्ति न उनं अधिकं पि वा

अन्तट्ठानेन पि णेय्य गहिता गहणेन चा ति (?)

८. एवं पुमादिलिङ्ग भेदश्च दस्सेत्वा इदानीं विभक्तिलोपपधानं दस्सेन्तो आह—पधाना त्यादि। अवयवे न सहवत्ततीति सब्बं, नामञ्च नामञ्च नामानि, सब्बञ्च तं नामञ्चा ति सब्बनामं। समस्सनं समासो, तेसं हितं तद्धितं। सब्बनामञ्च समासो च तद्धितञ्चा ति द्वन्द्वो। सब्बनामसमासतद्धितसंखाता पधानलिङ्गानुगता एव भवन्ति। अतिलिङ्गा तिलिङ्गविरहितो त्यत्थो। आदिसद्देन उपसग्गादिनं संगय्हति, स्यादयो विभक्तियो ततो निपात उपसग्गट्ठानतो होन्ति। लुत्ता एव

१. कच्चा. १०;

३. कच्च.-११.;

२. कच्चा. ८३।

४. न्य.सो; टी-रस्से।

सिद्धा ति एव सद्दो सन्निद्धापको अधिप्येतो। गो ति गो-सद्दो, अन्त विरहितो गो-सद्दो अत्यपधानसंखातो सद्दो सिद्धा^१ येव सुत्तेन अनुरूपतो ति गो-सद्दो दस वाचको होति—

गो-सद्दो सग्ग रंसीसु वजिरानुनेवादिसु^२
दस्सने नयनन्तेसु^३ पसुम्हि वचने भुवी ति।^४

सेसं पन वत्तब्बं एव नत्थी ति

इति नामकप्पस्स अत्थवण्णनं दुतीयं॥

कारक कप्पो

१. एवं विचित्तनामकण्डं दस्सेत्वा इदानी कारककण्डं दस्सेन्तो छ कारके त्यादि। छ कारकेसू ति छ कारकेसु समासो होति, सामिस्मिं पन यथारहं ति दट्ठब्बं। क्तु कम्म-सम्पदान-ओकास-सामि च तद्धितो ति गोत्त-तद्धितादयो सम्भवन्ति।

आख्यातो ति आख्यातविभक्तियो ति साधनस्मिं क्तुकम्म-भावसाधनेसु सम्भवन्ति। कितका ति कितपच्चयादयो सत्त साधनेसु सम्भवन्ती ति योजना। इमस्मिं पन सत्त साधने तयो पच्चया कित-किच्च-कितकिच्च-भेदेन। तेसु ये पच्चया येभुय्येन कत्तरि वत्तन्ति, ते किता नाम। ये पच्चया भावकम्मेसु वत्तन्ति, ते किच्चा नाम। ये पच्चया सब्बेसु वत्तन्ति, ते कितकिच्चा नामा ति वेदितब्बा। वित्थारो पन उपरि आविभविस्सति।

१. न्य-ओ।

२. न्य.-वजिराक्कनिसाकरे।

३. न्य.नयनादिसु।

४. तु.एकक्खरकोस-२४-२५।

गो गोणे थि पुमे सेसे पुमिन्द्रिये जले करे
सग्गे वजिरे वाचायं भुम्यं आणे च सूरिये
गीतरि खन्धे गन्धब्बे चन्दे दुक्खे सुगायने
ईसे सुरस्सति-दिसायञ्च गो-सद्दो समुदीरितो ॥

तथा

अभिधानपदीपिकाटीका—४९५

गोणो गो.....

सग्गे करे च वजिरे, बलिबद्धे च गो पुमा
थी सोरभेय्यि नेत्तं'-अम्बु-दिसा-वचन-भूमिसु ।

करणं कारो, कारो एव कारको। गमन पचनादिकं क्रियं करोति निष्पादेतीति कारको। छ एव कारको छ कारको। तेसु सं धनं अस्स अत्थी ति सामी। तस्मिं समसनं समासो, सद्दो समासीयती ति समासो अत्थो। सम्मा अनुरूपा भवन्ती ति सम्भवा। करोती ति कत्ता, करियते तं ति कम्मं, सं सुद्धं आददाति गणहाती ति सम्पदानं। ओकासं विय आचिक्खती ति ओकासो, सहवत्तती ति सामी। तद्धितं च कत्तु च कम्मञ्च सम्पदानञ्च ओकासञ्च सामी चा ति द्वन्दो। साधेतब्ब साधनं ति एव साधनं। आचिक्खती ति आख्यातो। विभत्तियो कितेतब्बादिका पच्चया। छ कारकेसू ति वत्तब्बे छन्दानुरक्खनत्थं ऊ-कारस्स रस्सं^१ कत्वा ति वेदितब्बं।

सब्बपदेसु पठमा येव होन्ती ति वुत्ते समासतद्धिताख्यातकितकेहि दुत्तिया च न भवितब्बं। कस्मा? समासतद्धिताख्यातकितकादीहि न वुत्ते दुत्तियादि यथारहं एव होति।

वुत्ते कम्मादिसामिस्मिं लिङ्गत्ये पथमा सिया ।

न वुत्ते च भवन्तब्बा दुतीय अनुरूपतो ति वुत्तं^२ ।।

अत्थो पन सुविजानितब्बं एवं।

११. तदनन्तरं एव कारक^३ सम्बन्धं कत्वा आहः मनसात्यादि। वुत्त्या ति वुत्तिना, वट्ठा ति संसारवट्ठा, विवट्ठं ति विपञ्चितुकामस्स, भावनन्ति कसिणपरिकम्मादीहि वड्ढनं। तत्थ विग्गहो कातब्बो। मोनं वुच्चति आणं, मोनं अस्स अत्थी ति मुनि। को सो भगवा, तस्स वण्णितब्बे वण्णिते। वने वट्ठति पुनप्पुनं निब्बत्तती ति वट्ठा, संसारो विसेसेन वट्ठति कम्मं मुञ्चती ति वट्ठं^४। तस्मा भीयति दस्सती ति भीतो, को सो भिक्खुः, छिन्नभिन्नपटं धारेती ति भिक्खुः संसारभयं इक्खति पस्सती ति वा भिक्खुः किलेसे भिन्दतीति वा भिक्खुः भिक्खति याचती ति वा भिक्खु। भावेति पुनप्पुनं वट्ठेती ति भावना। कसिणपरिकम्मादिकं। संसारो नाम किं ति, खन्ध-धातु-आयतनानं अब्बोच्छिन्नं पवत्तत्ता संसारो ति। तेन आहः

खन्धानञ्च पटिपाटि धातु-आयतनानञ्च।

अब्बोच्छिन्नं पवत्तत्ता संसारो ति पवुच्चती ति^५ ।।

१. न्य-लोपं;

२. तु. बालावतारो-गा. ३। (कारकप्पकरणां)

३. न्य-सो; टी-कारण;

४. न्य-विमुच्चितु

५. न्य-विवत्तं।

६. वि. मग्ग ५४४; विभं. अ०. १४९; किञ्चि भिन्नं दिस्सति।

एवं वुत्त संसारवट्टं नाम मनसा भावनं मुनिना वुत्ते वण्णिते, बुद्धेन वण्णिते वने भावेति वट्ट विवट्टं भावेति भीतो भिक्खू ति योजना। तस्स अत्थो छत्रं कारकानं एव सिद्धन्ता दस्सेति। कथं? भिक्खु कत्तुकारकं, भावनं कम्मकारकं, वुत्त्या करण कारकं,^१ वट्टा अपादानकारकं, वने ओकासकारकञ्चा ति दस्सेति। मनसा मुनिनो वुत्त्या ति गाथाबन्धेन छत्रं कारकानं सिद्धन्ता दस्सेति। अत्थो च सुविज्जेय्यो व।

इति कारककप्पस्स अत्थवण्णनं ततीयं।

समास कधो

१२-१३. एवं नयविचित्तकारक कण्डं दस्सेत्वा इदानीं समास कण्डं आरभन्तो आहः रासि द्विपदिका त्यादि। तत्थ रासी ति संख्यावचनो, द्विसत्तती ति वुत्तं होति। द्वन्दा ति द्वन्द समासा द्विपदिका रासि, बहुब्बीहिसमासा तुल्याधिकरणा एव लिङ्गेन च वचनेन च विभक्तिना होन्ति। खेमयु सतपञ्चद्वेदस कम्मधारयसमासादयो संखं वीसति दिगु-अव्ययीभाव समासा च हारा अट्ठबीसति। तत्थ द्विपदिका द्वन्दा ति द्वे पदानि द्वेद्वेना वा द्वन्दा। द्वन्दसदिसत्ता अयं पि समासो द्वन्दो ति वुच्चति। लीनं अङ्गं लिङ्ग, लिङ्ग विया तिलिङ्ग। वुच्चते अनेन ति वचनं। च सद्दो अट्ठानपयोगो। तुल्यं समानं अधिकरणं अत्थो यस्स तं तुल्याधिकरणं। बहवो वीहयो यस्स सो बहुब्बीहि, बहुब्बीहि सदिसत्ता अयम्पि समासो बहुब्बीहीति वुच्चति।

तस्स पुरिसो तत्पुरिसो, तप्पुरिसो विया ति तप्पुरिसो, तप्पुरिससदिसत्ता अयम्पि समासो तप्पुरिसो ति वुच्चति। उत्तरपदत्थपधानो तप्पुरिसो ति वुत्तत्ता। कम्मं इव द्वयं धारेति ति कम्मधारयो, यथाकम्मं क्रियञ्च पयोजनञ्च द्वयं धारेति। तथा अयं समासो एकस्स^२ अत्थस्स द्वे नामानि धारेती ति अधिप्पायो।

दिगुणो च ते गवो^३ चा ति द्वेगवो दिगु, संख्यापुब्बनपुंसके कत्तसंखातेहि द्वीहि लक्खणेहि गतो अवगतो ति दिगु, दिगुसदिसत्ता अयं पि समासो दिगू ति वुच्चति।

ब्ययं भवन्ती ति ब्ययीभावा, ब्ययीभावानं पटिपक्खो ति अब्ययीभावो। अब्ययानं अत्थे विभावयन्ती ति वा अब्ययीभावो, विनासनवसेन अनयन्ति पवत्तन्ती ति वा अब्ययं। उपसगगनिपातपदद्वयं वुत्तञ्चः

१. टी.कारणं।

२. न्य-सो; टी.एतस्स;

३. न्य-सो; टी-दिगुवो चा ति।

न ब्यसो तीसु लिङ्गेषु सब्बासु च विभत्तीसु ।

येसं नत्थि पदानन्तु तानि वच्चन्ति^१ अब्यया ति (?)

अब्यायानं अत्थं भावेती ति अब्ययीभावो । वुत्तञ्चः

सदिसं तीसु लिङ्गेषु सब्बासु^२ च विभत्तिषु

वचनेसु च सब्बेसु यं न व्येति तदव्ययं ति (?)

तीहि लिङ्गेहि यो यस्मा विभत्तीहि^३ च सत्तहि

व्ययं न पापुणाती ति अब्ययीभावा ति कित्तितो ।

सयं कतं मक्कतिको^४ व जालन्ति एत्थ पन द्वे पटिपाटिया अत्थस्स गहेतब्बत्ता अब्ययत्थविभावना नअत्थी ति सयं कतं ति समासो अब्ययीभावो न होति । तथा पुब्बपदत्थपधानो अब्ययीभावो । केचि पनः अब्ययत्थ पुब्बङ्गमत्ता अनव्ययं भवती ति अब्ययीभावो ति पि वदन्ति । अयं पन अम्हाकं खन्ति रुचि । अब्ययत्थपुब्बङ्गमत्ता अनव्ययं पि पदं एकदेसेन अब्ययं भवति एत्था ति अब्ययीभावो । एत्थ च एकदेसगहणं 'को' यं मज्झे समुदस्मिंति (?) इमाय पालिया समेति, समुदस्स मज्झे, मज्झे समुदस्मिं ति हि विग्गहो । अत्थो पन समुदस्स मज्झे इच्चेव योजेतब्बं । अब्ययीभावो नाम दुविधा नाम पुब्बपदं अब्ययपुब्बपदञ्चा ति । तत्थ गामपति नगरपती त्यादीसु नामपदपुब्बपदो ति, उपनगरं उपगङ्गं त्यादिसु अब्ययपुब्बपदञ्चा ति । वुत्तञ्चः

नाम पुब्बपदो च सो अब्ययपुब्बपदो तथा

नामुपसगगनिपात-वसेन दुविधा मतो ति (?)

अव्ययीभावो सत्त विभत्तीहि वत्तति । तं यथाः यानि यानि फलानीति यथाफलं, पथमा अब्ययीभावो; सोतं अनु वत्तते ति अनुसोतं, दुतिया; जीवस्स परिमाणे न तिठ्ठते ति यावजीवं, ततीया; सद्धाय उपेतो ति उपसद्धं, चतुत्थो; गुणतो उद्धंति उद्धंगुणं, पञ्चमी; नगरस्स अन्तोति अन्तोनगरं, छट्ठीः इत्थियं अधिकिच्च^५ ति अधित्थि, सत्तमी अब्ययीभावो नामा ति वेदितब्बो । अब्ययीभावो नाम निच्चानिच्चवसेन दुविधो वा एकविधो वा ति चोदना । अब्ययीभावो नाम अज्जपदस्स विग्गहत्ता पुब्बपधानो अपरपधानो ति चे, पुब्बपधानो ति परिहारो । तथा निच्चो, सो अब्ययीभावो सज्जावसेन दीपितो । एको पधानो अब्ययी भावो

१. वुच्चन्ति;

२. टी. सब्बेसु ।

३. न्य. छन्दवसेन. टी.विभत्ति;

४. न्य. "टको;

५. टी. किच्च ।

पुब्बपदद्वानं^१ किं पयोजनं। पयोजनं पन वित्थारेन सदसत्थन्तरेसु होति। इध पन संखित्तेन वुत्तं। वुत्तञ्च:

द्वन्दा द्विपदिका चेव दस होन्ति च गणना

बहुब्बीहि तप्पुरिसो द्वेसता गणसम्भवा।

कम्मधारयसमासा कजा होन्ति च गणना

दिगु-^२ब्यया च समासा दयितन्ति या सज्जिता ति (?)

इति समासकप्पस्स अत्थवण्णनं चतुत्थं।

तद्धित कथो

१४. एवं गम्भीरसमासकण्डं दस्सेत्वा इदानीं तद्धितकप्पं आरभन्तो आह 'कच्चादितो' त्यादि। कच्चायनगोत्तादितो नियमं नियमनं एव, विना वज्जेत्वा अनेकत्थे सति, सब्बे तद्धितपच्चया णादयो होन्ति एव नियमनं न होति। तत्थ आदि-सद्देन वासुदेवगोत्तादयो। अपि-सद्देन तर त्यादि तद्धितादयो संगय्हति।^३ गोत्ततद्धिता नाम किं तं ति। वासिद्ध, गोतम, कच्चायन, अग्गिवेस्सन, मोग्गल्लान उक्त^४ वासुदेव, वच्छ^५, नारायन,^६ उकट्ट^७-मज्झिम-हीनकण्हादिसंखातेहि जातिगोत्ततद्धितादि दट्ठब्बा^८। गोत्ततद्धिते अट्ठ पच्चया होन्ति, यथा-ण, णायन, णान, णेय्य, णि, णिक, णेर, णव, इति^९ मे अट्ठवेदितब्बा^{१०}। तरत्यादि तद्धिते चत्तारो, तेनाह:

द्वे पच्चयानि एका व द्वीसु सुत्तेसु वत्तते

विकप्पादिग्गहणेन वुत्ता णिकानिका दुबे ति।^१

१. न्य. पुब्बपदपधानं;

२. न्य-न्ति;

३. न्य. सकट।

४. टी. "आ;

५. टी. नरन्;

६. न्य. सो; टी. अगट्ठ।

७. तु. सदसारत्थ जालिनी-४४३-४४४।

वासिद्धो गोतमो चेव कच्चानो अग्गिवेस्सानो
मोग्गल्लायनो 'च्चादि च उत्तमो ति पवुच्चति
वासुदेवो च वच्छो च नारायनो साकटो पि
मज्झिमो कण्हादि गोत्तं हीनो नामा ति वुच्चते ॥

८. तु. सदसारत्थजालिनी-४४५।

णो णायनो च णाणो च णेय्यो णेरो णणो पि च

णि च णिको च अट्ठ एते अपेच्च होन्ति पच्चया। (तु.पि च. कच्चा. ३४६-३५१)

९. तु.कच्चा. ३५२-३५३; सदसारत्थजालिनी-४४७ णिक,णिय।

रागतद्धिते एको, तेनाहः

रागादितद्धिते एको पच्चयो स-ण-कारको
संखेपेनेव जानेय्य अनेकत्थेसु सोधितो ति^१।

जाततद्धिते छ पच्चया होन्ति, तेनाहः

सुत्तेन^२ इमिना चेव इम-इय-इक-आदिग्गहणेन च
कियो चापि च सहेन छ जात्या होन्ति पच्चया ति

समूहतद्धिते तयो पच्चया होन्ति। एको ता-पच्चयो लिङ्गत्तयेसु वत्तति।
तेनाहः

कण-णा पच्चया वुत्ता समुहत्थेसु लिङ्गतो
लिङ्गत्तयेन गहितो होति ता-पच्चया इधा ति^३

ठानतद्धिते एको, तेनाहः

इयो सो पच्चयो एको वत्तति ठानतद्धिते
सदसत्थे इय, एय्य ते विधनविचारिता^४ ति

उपमादद्धिते एको, तेनाहः

उपमातद्धिते एको आयितत्तं पवत्तति
सदसत्थे इध विय थरेन न कता इधा ति^५

निस्सिते पि एको^६ व पच्चयो, सदसत्थन्तरे पन द्वे ति। तेनाहः

निस्सिते पच्चया द्विधा लोत्थ अज्जत्थ वत्तते
णे एको पच्चयो एव कच्चायने^७ न दीपितो ति

१. कच्चा.-३५४-ण।

२. कच्च. ३५५; सदसारत्थजालिनी-४४८ इम, इय, इक, किय।

३. टी.पि; तु. सदसारत्थजालिनी-४४९; कच्च. ३५६-कण, ण; ३५७-ता।

४. कच्च. ३५८-इयो, इय, एय्य; सदसारत्थजालिनी-४५०।

५. सदसारत्थजालिनी-४५१-आयितत्त।

६. न्य. सो' टी-ब्यको।

७. क्य. सो; टी-यन; तु. कच्चा. ३६०; तु. सदसारत्थजालिनी-४५२; लो, णे।

बहुलतद्धिते पि एको व सदसत्ये पन तयो, यथा:

बहुल्लतद्धिते आलु पच्चये को पवत्तति।

सत्येसु आलुको चेव थेरेन न कता इधा ति^१

सेट्ठ-तद्धिते पञ्च पच्चया, यथा:

अधिते पञ्च पच्चया तद्धिते सुविसेसने

तर,तम,इसिक,इय,इट्टा इच्चेते पञ्च पच्चया ति^२।

अस्सत्थितद्धिते नव पच्चया, सदसत्ये पन एकादस, तेनाह:

अस्सत्थि तद्धिते वी च ई-सी-इक-र-वन्तु च

मन्तु च स-ण-कारो च पच्चया नव दीपिता,

सत्ये इध इया चेव थेरेन न कता इधा ति^३

पकतितद्धिते एको व, वुत्तञ्च:

पकति तद्धिते एको मय पच्चयनामको

बहुपकारो विधीसु आतब्बं^४ तद्धितेसिनाति^५।

पूरणतद्धिते पञ्च, सदसत्ये पन सत्त, तेनाह:

पूरणे पच्चया पञ्च इम, ट्ट, ता, तिये पि च

पूरणत्ये पवत्तन्ति आतब्बो तद्धितेसिना

थ, म, अ-पच्चया सब्बे थेरेन न कता इधा^६ ति।

१. कच्च. ३६१-आलु; आलुको; तु °सदसारत्थजालिनी-४५३।

२. तर,तम,इसिक,इय,इट्टा;तु.कच्च.३६५; एवं सदसारत्थजालीनि-४५४

३. तु.कच्च.३६६-३७२-वी च,ई,सी,इक,र,वन्तु,मन्तु,ण,इया। सदसारत्थजालिनी-४५४-४५५।

४. न्य. सो; टी.तब्ब।

५. सदसारत्थजालिनी-४५५; कच्च.३७४-मय।

६. सदसारत्थजालिनी-४५६; कच्च.३७५,३७७,३८०,३८४,३८६,३८७ इच्चादि।

इ,म,ठ ता,तिय,थ,म,अ।

संख्यातद्धिते एको व पच्चयो। वृत्तञ्चः

संख्याय तद्धिते एको पच्चयो को ति दीपितो,
वीसति बीसतद्धितं तस्सोदाहरणं मतं ति^१
लोपादेसागमाबुद्धि^२ संख्याने पकतीहि च
जेय्यो^३ सत्थानुसारेण अञ्जत्र विविधा कता ति। (?)

विभागतद्धिते द्वे, सदसत्थे पन तयो, यथाहः

सुत्तेन पच्चयो वृत्तो विभागे धा विभागतो
सो पच्चयो विभागतो च-सद्देन पकासितो
सदसत्थे विधं वृत्तो विभागो च विभागतो ति^४ (?)

इमे पन्नरस तद्धितानि। सेसा निधनति^५ आणवता सदसत्थेसु गहेतब्बं ति
कच्चादितो ति एतेन गोत्ततद्धिते साधनत्थं ति दस्सेति। अपी ति पदेन सब्बतद्धिते
साधेती ति दस्सेति। अत्थो पन सुविज्जेय्यो।

इति तद्धित कप्पस्स अत्थवण्णनं पञ्चमं।

आख्यात कप्पो

१५-१६. एवं परचित्तनयगम्भीरतद्धितकण्डं दस्सेत्वा इदानि आख्यात
कण्डं आरभन्तोयं आचारियो आहः 'कत्तरी' त्यादि। कत्तरी ति कत्तुस्मिं, सब्बेते
पयोगा पञ्च धातुम्हि होन्ति, नाञ्जथा। सत्त सतं ते पयोगा पन कम्मे येव
होन्ति, तथा नाञ्जथा। भावे पयोगा विपवत्तन्ति, मेरया सतवीसपञ्चाधिक
संख्यावचनो। पञ्च धातुम्हि पयोगा होन्ति, संखेपेन संखित्तेन, मरुमयं सहस्स
पञ्चसतवीसपञ्चाधिक संख्यावचने, गमुम्हि^६ पयोगा पन तिगुणा तीहि गुणिता
होन्ति। एत्तो पञ्चधातुतो सम्भवानुरूपं गहेतब्बं एव। ते च पयोगा अञ्जथा धातुसु
अनन्ता अपरिमाणा एव। आदेसपच्चयादीहि^७ सम्भवन्ती ति। एत्तावता पयोगा
पञ्चधातुम्हि गणनवसेन मरुमयं अञ्जधातूसु पि येभ्य्येन पवत्तन्ता न गणितब्बा।

१. सदसारत्थजालिनी-४५७; कच्च.-३८०।

२. न्य.-सो; टी"-लोपादेसोग"।

३. टी. जो, य्यो;

४. कच्च. ३९९-धा

५. न्य. तद्धितत्थिना (?);

६. पी.सो;टी-गेमुमि।

७. पी.सो;टी-आदेसे पच्चयादि पि।

रूपसिद्धि पकरणं ओलोकेत्वा गहेतव्यं। सेसवचनं एव वक्तव्यं नत्थी ति। अत्थो पन सुपाकटो।

इति आख्यातकप्पस्स अत्थवण्णनं छट्ठं।

कित कप्पो

१७. एवं आख्यातकण्डं दस्सेत्वा इदानीं कितकप्पं दस्सेन्तो आहः कितादी त्यादि। सब्बे पच्चया कितादि एकधातुतो सियुं। अनुरूपतो^१ यथासम्भवतो सत्त साधने सति पि पायतो येभ्य्येन पवत्तन्ति, एत्थ आदि-सद्देन कितकिच्चपच्चया संगहन्ति^२। अपिसद्देन धातुसाधनानि संगहन्ति। कितो आदिये सन्ते ति कितादयो। पटिच्च एतस्मा ति पच्चयो। कितादि एव पच्चया कितादिपच्चया। सह अवयवेन वत्तती ति सब्बं, पयति येभ्य्येन पवत्तती ति पायो। पाय सद्दो बाहुल्लवाचको, येभ्य्येना ति अत्थो। ये पच्चया बाहुल्लेन कत्तरि पवत्तन्ति, ते किता नाम। ये पच्चया बाहुल्लेन भावकम्मेसु^३ वत्तन्ति, ते किच्चा नाम। ये पच्चया सब्बेसु वत्तन्ति, ते कितकिच्चा नाम वुत्तञ्चेतं:

तयो च पच्चया जेय्या कितका किच्चका तथा

कितकिच्चकनामञ्च सदसत्थे पकासिता।

कितका कत्तरि जेय्या भावकम्मेसु किच्चका

कितकिच्चा तु सब्बत्थ येभ्य्येन पवत्तरे ति (?)

कितपच्चया नाम किं तन्ति पुच्छा। वुत्तं हि एतं:

ण्वु^४,रो,ण,क,त,ति,तु,च तावे^५ इ अन्त,मान,तुं,

तुन, त्वान च इम तेरसे कितपच्चया^६ सियुं।

अनीयो,^७ तब्ब, ण्यो, रिच्च, रिरिय,ख सब्बपच्चया

ते किच्चापच्चया नाम जातब्बा पच्चयेसिना।

णो च यु क्वि च रम्मो च णु, ण्वु,तु,आवी इध अ

ट्ठ, रट्ठु,^८ आनी,अ,नु,का पन्नरस कितकिच्चा ति

१. न्य. सो; टी. अनुरूपगतो;

३. न्य-सो;टी-धम्मेसु;

५. न्य.सो; टी-ताव;

७. न्य. सो; टी-अनियो;

२. न्य-सो; टी. संगहति।

४. न्य. सो; टी-णो।

६. टी. तपच्चया।

८. न्य. सो; टी. स्व, तु, रत्थु।

कितपच्चया तेरस छहोन्ति किच्चपच्चया

कितकिच्चा पन्नरस चतुत्तिस समूहतो ति (?)^१

सहसत्थन्तरे पन कितकिच्चभेदेन द्वेधा वुत्ता ति। तथा पि लक्खणवसेन वुत्तं ति दट्ठब्बं। कितादी ति एतेन कित-किच्च-कितकिच्चये साधेती ति दस्सेति। अपी ति पदेन सत्तं साधन वुत्तरूपं ति दस्सेति। अधिप्पायो पन अतिविय पाकटो येव।

इति कितकप्पस्स अत्थवण्णनं सत्तमं।

पकिण्णकं

१९-२०. (एवं कितकण्डं) दस्सेत्वा इदानी अत्तना कत्तब्बस्स पकरणास्स गुणं दस्सेतुं इमिना किञ्चि लेसेन ति आदि आरब्धं। सब्बे पयोगा पन एकेन बिन्दुना आणिना कुलपुत्तेन आणेन समन्नागता सहारब्बे सहसंखाते आरब्बे जिनागमे विहिता सक्का आतुं पटितुं, बिन्दुरसो बिन्दुरस उपलक्खितो वेगेन

१. तेरस कित पच्चया—	ण्वु-कच्च. ५२९
रू—कच्च. ५३६-५३७; ५४०-५४१,	
ण—कच्च. ५२६, ५३०-५३१	क—कच्च. ६६३, ६६५, ६६६ (?)
त—कच्च. ५५७-५५९	ति—कच्च. ५५४
तु—कच्च. ५६३	तवे—कच्च. ५६३
इ कच्च. ५५३; ५७१	
अन्त, मान—कच्च. ५६७	तुं—कच्च. ५६५ तुन, त्वान—कच्च. ५६६
छ किच्च पच्चया—	अणियो। कच्च. ५४२
तब्ब-कच्च. ५४२	ण्यो-कच्च. ५४३
रिच्च—, , ५४४	रिरिय- , , ५५६
ख—, , ५६२	
पन्नरस कितकिच्च पच्चया—	
णो—कच्च. ६५६ (?)	यु—कच्च. ५३५, ५४९-५५०।
विक—, , ५३२।	रम्मो—, , ५३३।
णु—कच्च. ६७३।	ण्वु—, , ५२९, ५३४; तु-कच्च-५२९, ५३४
आवी—, , ५२९, ५३४	ट्ट—कच्च. ५७४, ५७५; ६७४।
रट्ठः रत्थु ५६८; ५७४	अ—कच्च. ५२७, ५२८, ५२९, ५५५
इनि (इन) कच्च. ५६०, ५६१	
नु—कच्च. ५३९।	का—कच्च. ५९७।

२. टी.सत्ता;

३. ?।

४. न्य-सो; टी संघे अब्बे;

५. पी-सो; टी.सत्ता;

६. पी-सिन्धुरसो।

सीघ्रगमनेन, इमिना किञ्चि लेसेन इमिना उपायेन ते पयोगे जानित्वान^१ सीघ्रं^२ पवेसाय पुरं^३ पिटकसंखातं पुरं (रम्भं) रमितब्धं नाना नयेहि मग्गो उपायो उजुमग्गं तं कुलपुत्तानं मग्गं उपायं विसोदितो मया ति अधिप्पायो। नानानयेन सहारज्जेति योजना। पतिसरणं करोती ति पटिकं, पटिविसुं वा करोती ति पटिकं, पतिसरणं करीयति एतेही ति वा पटिकं, पटिकं विया ति पटिकं। तेसु बुद्धी^४ ति आदिना सुत्तेन पटिक-सदस्स पिटकादेसो होती ति कते रूपं, सज्जियते सज्जी, पिटकातिसज्जी, पिटकसज्जी,^५ पिटकसज्जी एव पिटकसज्जी, पिटकसज्जी यस्स तं पिटकसज्जीतं, तस्स भावो पिटकसज्जितं^६।

इति गन्थसारं सहबिन्दुविनिच्छयं समत्तं।

यो थूपथूपो व धिरोसमानो ^७	जिनस्स धातु पतिट्ठानभूतो ^८
वसीहि कतेहि अनेकनेका	कारापयन्ते हरिपुञ्जयस्मिं ^९
सुवण्णपटेहि अच्छादयित्वा	हरिस्सरंसीहि ^{१०} जज्जलमानो
आव्हयितब्बो ^{११} व नाम रम्भं	नानत्त सो नयेन आवुतो ^{१२}
योन ^{१३} नगरे अभिवद्ध्यन्तो	विसुद्धसीलो समणानं इन्दो
लद्धाभिसेखो फुस्सदेव ^{१४} थेरो	राजाधिराजिनोति पूजयित्वा

१. न्य.-सो; टी-जानितान।

२. न्य.सो; टी-सिक्खा;

३. पी.सो; टी-रूपं।

४. कच्च.४०६-तेसु बुद्धिलोपागमविकारविपरीतादेसा च।

५. टी.पुनरुत्ति।

६. न्य.—

२० धम्मेन धम्मनुरूपं सोलिपतिना (वा सलपतिना) सहसमुद्देन पथवितले इस्सरेन परत्थ निपकेनेव परेसं अत्थहितावहे निपुणेन, गुरूनामकेन गुरूहि दिन्न, (क्य एवा ति) नामकेन, धम्मराजा धम्मराजेन कच्चायनुत्तरतने कच्चायनाचरियेन उत्त (कथित) सहनय अत्थनयसंखातेहि रतनेहि सम्पुण्णे, चित्तगम्भकोणे विचित्रगम्भस्स, ओवरकस्सकोणे, एकदेसे, पदीपो दीपजाला, किञ्चि थोकमत्तं जलितो उज्जालितो।

७. टी. समनो;

८. न्य. सो, टी.-पटिपट्टान।

९. न्य. सो; टी-परिपञ्च;

१०. टी.—हरिसरंसिहि।

११. न्य-सो; टी—अव्ह;

१२. टी.आवतो।

१३. योनरट्ठे;

१४. टी.लद्धो;

१५. टी.फुस्सरेव।

तं शूपथूपवरं निस्सय टीकं
सदस्स बिन्दु विवरणत्थं
एवं सदनयगम्भीरे गन्था
अतिभयिसायं^१ गन्थसारसारं
तस्मा येव च धिरा निपुणा^२
सुमन^३ पटिपकरं वारयेय्यं
पमुदितहृदयानं सत्तुपमे
सधुतिपरसति सिहा-
धूरे सब्बङ्गसम्पन्ने
रम्मे साधुजनाकिण्णे
वड्डने सब्बवत्थूहि
नगरे गोचरं कत्वा
वसिस्सामि आहं एत्थ

करोन्तो हरिपुञ्जयस्मिं
सेट्ठस्स गन्थं गन्थसारसारी
सद्धानद्धिया सत्तसु धम्मतो
सोतुनं उत्तम^२ तिपिटक जाननं^३
मन्दपञ्चा च ये एतं
वसोचिते^४ ते भिज्जातवारा
गवेय्यं अच्छम्भ सीलवुत्ति^५
नादं नाज्जोये देय्युं
हरिपुञ्जय^६ नामके
जनसुतनिसेविते
राजसेट्ठनिवासिते
आरामे रम्म नामके
टीकायं रचिता मया ति

इति भदन्त सिरिसद्धम्मकित्ति-महाफुस्सदेव थेरेन रचितो गन्थसारो
नाम^१ निट्ठितो, परिपुण्णो, समत्तो ।

देवलोके मनुस्से वा संसरन्तो पुनप्पुनं
सब्बेसं पवरो हुत्वा जाणतिक्खं लभं अहं
मनुस्सलाभं लद्धाहं विरूपो मा भवे मम
सरूपो जाणसम्पन्नो पहोमि पिटकत्तये ।

सहबिन्दुटीका निट्ठिता ।



१. टी.ति अभयिसायं।
३. टी. भि—
५. टी. तुमन;
७. टी. सीहवुत्ति;
९. टी. गन्थसारोन्धो।


२. टी. सोतुनमत्तम।
४. टी. पुण्णा।
६. टी. पसो—
८. टी. रिपुञ्चेय्य।

ग्रन्थ-सूची

- | | | |
|------------------------|---|-------------------------------|
| १. अट्टसालिनी | — | सं.सं.वि.वि. वाराणसी। |
| २. अभिधानपदीपिका टीका। | | |
| ३. एकवखरकोस। | | |
| ४. कच्चायन व्याकरण | — | तारा प्रकाशन, वाराणसी। |
| ५. कच्चायण भेद। | | |
| ६. गन्धवंस | — | पी.टी.एस.लन्दन। |
| ७. वालावतारो | — | बौद्ध भारती प्रकाशन, वाराणसी। |
| ८. विभङ्ग अट्टकथा | — | नवनालन्दा महाविहार, नालन्दा। |
| ९. विसुद्धि मग्गो | — | सं.सं.वि.वि. वाराणसी। |
| १०. सद्दनय। | | |
| ११. सद्दनय टीका। | | |
| १२. सद्दनिस्सय। | | |
| १३. सद्दसारत्थ जालिनी। | | |
| १४. समन्तपासादिका | — | नव नालन्दा महाविहार। |

साङ्केतिक विवरणं

अट्ट	—	अट्टसालिनी
कच्च.	—	कच्चायण व्याकरण
कच्च.भे.	—	कच्चायण भेद
टी	—	सद्दनय टीका
तु.	—	तुलनीय
द्र.	—	द्रष्टव्य
न्य.	—	भदन्त छरातो ॐ न्यनिक के मत।
पी.	—	सद्दनय
फ.	—	फाउसवॉल
वि.भ.अ.	—	विभङ्ग. अट्टकथा
वि.मग्ग.	—	विसुद्धि मग्गो
सम.पा.	—	समन्तपासादिका



सुसंग्रहणीय अभिनव-प्रकाशन

१. वेदान्तपरिभाषा : श्रीधर्मराजाध्वरीन्द्र द्वारा रचित वेदान्त-शास्त्र के इस मूर्द्धन्य ग्रन्थ का प्रकाशन श्रीरामकृष्णाध्वरि कृत 'शिखामणि' व्याख्या तथा स्वामी श्री अमरदास द्वारा प्रणीत 'मणिप्रभा' टीका के साथ किया गया है। विस्तृत भूमिका एवं टिप्पणी तथा अनुसन्धानात्मक परिशिष्टों के साथ इसका सम्पादन प्रो. पारसनाथ द्विवेदी एवं डॉ. ददन उपाध्याय ने किया है।
४००.००
२. गाथासप्तशती (गाहासत्तसई) : यह ग्रन्थ महाकवि हाल उपनामक श्री सातवाहन द्वारा सङ्कलित है। भट्ट श्री मथुरानाथ शर्मा कृत प्राकृतगाहासत्तसई का छायानुवाद संस्कृतगाथासप्तशती व्यङ्ग्यसर्वङ्ग्या व्याख्या से विभूषित कर प्रकाशित किया गया है। इसके सम्पादन डॉ. उमापति उपाध्याय हैं।
४००.००
३. कातन्त्रव्याकरणम् : आचार्य शर्ववर्मा द्वारा प्रणीत व्याकरणशास्त्र के इस ग्रन्थ का प्रकाशन चार टीकाओं के साथ हुआ है। उत्कृष्ट भूमिका तथा अनुसन्धानात्मक परिशिष्टों के साथ इस ग्रन्थ का सम्पादन डॉ. जनकी प्रसाद द्विवेदी ने किया।
भाग-१ ३५०.००
भाग-२ खण्ड-१ ५००.००
भाग-२ खण्ड-२ ६००.००
४. सर्वानन्दकरणम् : ज्योतिषशास्त्र के महनीय इस ग्रन्थ के प्रणेता पं. श्रीगोविन्द आपटे जी हैं। स्वोपज्ञ व्याख्या के साथ इस ग्रन्थ का प्रकाशन किया गया है।
१२०.००
५. बृहदारण्यकवार्तिकसारः : श्रीस्वामी विद्यारण्य द्वारा रचित वेदान्तशास्त्र के इस मूर्द्धन्य ग्रन्थ का प्रकाशन म०म० पं. श्रीहरिहर कृपालु द्विवेदी कृत हिन्दीभाषानुवाद के साथ किया गया है।
भाग-१ २५०.००, भाग-२ २५०.००
भाग-३ २४०.००, भाग-४ २७०.००
६. रसगङ्गाधरः : श्री नागेशभट्ट कृत 'गुरुमर्मप्रकाश' व्याख्या के साथ पण्डितराज जगन्नाथ प्रणीत साहित्यशास्त्र के प्रौढतम इस ग्रन्थ का प्रकाशन किया गया है।
भाग-१ १८०.००
भाग-२ ४८०.००
७. पाश्चात्य-भारतीयराजनीत्योः समालोचनम् : पण्डितराज श्रीराजेश्वर शास्त्री द्रविड़ के व्याख्यानभूत इस ग्रन्थ में पाश्चात्य एवं भारतीय राजनीति का अनुसन्धानात्मक समालोचन उत्कृष्ट रीति से प्रस्तुत किया है।
भाग-१ ५००.००
भाग-२ ५५०.००
८. मानवनीतिविवेचनम् : प्रो. राधेश्यामधर द्विवेदी द्वारा प्रणीत इस ग्रन्थ में भारतीय सामाजनीति एवं मानवनीति का अनुसन्धानात्मक विश्लेषण प्रस्तुत किया गया है।
२८०.००
९. भास्करी (द्वितीय संस्करण) : शैवदर्शन का महनीय यह ग्रन्थ श्री उत्पलाचार्य द्वारा प्रणीत 'ईश्वरप्रत्यभिज्ञाकारिका' आचार्य श्री अभिनवगुप्त कृत 'विमर्शिनी' टीका एवं इसकी टीकाभूत 'भास्करी' व्याख्या से विभूषित कर प्रकाशित किया गया है।
भाग-१ १५०.००
भाग-२ १५०.००
भाग-३ १८०.००
१०. वर्णाश्रम शिक्षा-व्यवस्था तथा आधुनिक युग में उसकी उपयोगिता : डॉ. सुभाषचन्द्र तिवारी द्वारा रचित शिक्षाशास्त्र का अनुसन्धानात्मक एवं विश्लेषणात्मक यह ग्रन्थ सम्यक् रूप से सम्पादित कर प्रकाशित किया गया है।
२००.००
११. संस्कृतकथाकुञ्जः : अभिनव कथा के निर्माण करने में दक्ष स्वनामधन्य अभिनव कथाकारों के इक्कीस कथाओं को सङ्कलित कर पण्डित श्री शिवजी उपाध्याय एवं डॉ. शिवदत्तशर्मा चतुर्वेदी द्वारा सम्पादित इस ग्रन्थ को प्रकाशित किया गया है।
१३०.००
१२. भवभूति की काव्यभाषा का शैली (रीति) वैज्ञानिक अध्ययन : भाषावैज्ञानिक अनुसन्धान पूर्ण यह ग्रन्थ डॉ. ब्रजभूषण त्रिपाठी द्वारा रचित है। विद्वान् लेखक द्वारा सुसम्पादित इस ग्रन्थ को प्रकाश में लाया गया है।
२६०.००